

## 'U marchese

L'ha mann't Aldo "Diecipalazzine"

martedì 02 settembre 2008

Ultimo aggiornamento domenica 07 settembre 2008

'U marchese arrive ogn'e mmese. Puntuale s'appresènde stù fetende... c'u relogge mmene. Quanne 'u marchese arrive ind'a 'na case, stè 'na certa agitazione. Le maschele 'mbra de lore oramaje se n'honne fatte 'na raggione.

"Papà ma ce tène 'a mamme stamatine? Stè totta arrevughjate!

Nijnde figghje mije.. ste arrive 'u marchese, accome ogne mmese."

Da piccinne me mettève c'u penziere...ll'hagghj'a vvedè 'mbacce stu marchese c' avéne ogn'e mmese! Penzave... tenime amicizzie 'mbortande ind'a sta ccase...nu marchese no jè pasta menùte. Jie me credeve ca stu marchese eve 'u padrone de casa nostre piccè me dicéve... ce avéne ogne mmese vuol dire ca se pigghje 'a locazione e 'mbece nòne, stu marchese arrevave a scunnute a scunnute e no sse facéve vedè maje.

"Papà ma scuse, ma tune nijnde dice ca stu sarchiapòne s'appresènde ogn'e mmese? Ce ccose hagghj'a dicéve? 'A nature u face arrevà e 'a nature u face sparì. Doje vote 'u marchese nonge ha venùte pe nnove mise e avite nate tune e sorete."

"Piccè Papà nonge avenéve 'u marchese... s'avéve ngazzate? None none figghje, ognettànde 'u marchese sparisce o avéne cchiù tarde... e quanne nonge arrive jè 'nu probleme... le feméne accumenzene a strulecà, stu mese ritarda, (dicéne mbra de lore), le casére s'arrevoténe e no sse capisce cchiù nijnde. "

Sendive ca, mbèce de marchese quarchedune 'u chiamave...Ciclo, e jie penzave: Vuè ccu vvide ca 'u marchese avéne cu a bececlette? Allore penzive: Mo me mette abbasce o purtone cu 'a bececletta meje, (modello Graziella) e quanne passe vedime ce no u zzeccche a stu minghiarile...ma nijnde nonge u vedive manghe sta vote.

Nu ggiurne da o balcone de fronte s'affacciò 'na cristiane totta accalorate e parlanne c'u 'na vicine de case dicì... Cummàààààà Graziella ha avute 'u marchese.... Matòòòòòòò penzive, vuè ccu vvide ca quidde strunze s'ha futtute 'a bececletta mea? E scappìve sus'a ccasee... ma stave tutte cose a poste.

Parlanne cu Papà, sentive ca stu galandome avéve accumenzate a vené doje vote o mese... 'na vote pe Mammà e n'otra vote pe sorema granne. Pizza dicive! Le stè ppiace casa nostra o marchese! A cose ca me facéve ngazzà de stu figghje de bonamamme eve ca ne nguaiave 'a staggione...

"Papàààà ama scè a mmare? None Catà no putime scè ca stè vvene 'u marchese pe Mammà...

N'otra vote pe soréme e certe mise, pe quinnece ggiurne, no scemme 'a mmare. Allore, azzeccchive a soréme e a mia madre e le dicibe: Ma stu caze de marchese nonge 'u putite fa vené 'u stesse ggiurne accussi putime sce a mmare? Ma no ffu cose, avemm' aspettà le comode sue.

Quidde poverijdde d'attanéme s'avéve fatte 'a croce a smerse pe stu fatte...oramaje 'u sapéve ca qualche ggiurne prime c' aveva avenè stu carnevale s'aveva supputà a Mammà ca scatasciave p'ogne ccose e ca parlave parlave parlave a mendone. Ind'a quidde ggiurne ce a uardave 'mbacce parève fa ca mo l'avéve accappate 'na sciagure e, cosa strana, cucenave ca facéve sckife.

Quanne 'u marchese retardave assaje sendive dicéve: manisciateve sciamme in farmacie! Jie penzave ca st'aristocrateche eve pure dottore e pe scè truarle scève 'a farmacie de vie de mijenze, trasive e dicive:

"Dottòòòòò stè 'u marchese? e 'u dottore respunni: Ce marchese? Com'èèèèè dicive jie... quidde c' avéne ogn'e mmese! 'U dottore me uardò brutte e lucculò: 'U marchese de mameteeeeeee... vatijnne meeee! Jie fuscène decive: Sine sine propie quidde de mamma meje... u canusce alloreeeee!"

Pe no farla longhe me menò 'na buttiglie de sceroppe a turteggijune.

E quiste jè 'u fatte d'u marchese ca avéne ogne mmese e ca se ggire tutte le casere d'u paese.

CiaoXp...liberamente inventato